

QVÆSTIO MEDICA.

QVODLIBETARIIS DISPUTATIONIBVS
MANE DISCVTIENDA IN SCHOLIS
Medicorum, Die Iouis xxix. Ianuarij,

M. CLAVDIO LIENARD,

DOCTORE MEDICO,
MODERATORE.

An Cholerae morbo frigidae potus?



ENTRICVLVS reliquarum partium nutritiarum longè princeps omni cùm simplici tum composita, & quæ ex humorum vitio prodit, intemperie tentatur; illum vlcus aliquãdo, inflammatio systrophica rarò, rariùs abscessus circa salutis iacturam exercent (eorum qui in ventriculum incidunt abscessuum optimus est qui in sinum eius internum abit) cerebri præterea, iecoris, lienis, vniuersi denique corporis habitus cum eo tantus est consensus, vt illis affectis, hic quoque ferè continuò compatiatur. Nimis multa pituita aut qualitate noxia à cerebro, bilis vitellina, porracea, æruginosa, quæ nonnisi gradu caloris distinguuntur à iecore, humoris sæculenti copia à liene, prauis demum succi à toto corporis ambitu in ventriculum palindrome regurgitant, & transfunduntur.

† iij

70
VENTRICULO membranoso non minori iure ac singulis corporis partibus insita est facultas à natura qua mouetur ad expellendum quod illi faceffit negotium, siue in eo genitum, siue aliunde cõfluxerit. Hinc in Cholera morbo vbi summa sunt omnia, facies ab initio Hippocratica, ingens oris amaror, fitis inexplibilis, *ἰκτερίτις, ἀσπυξία, ἐφίδρωσις*, furarum contractiones, extremorum frigus, syncope, conuulsio (quibus superuenientibus etiam aliquid tentandum) facultatibus ventriculi non expultrice tantum, sed & retentrice læsis, modò per superiora, modò per inferiora derepentè & vicibus sæpe repetitis humoris biliosi, serosi, quinetiam & laudabilis succi excretio, cui interdum originem dedere nonnulla alimenta, vt carnes suillæ, allia, cepæ, pepones dulces, &c. medicamenta quoque mochlica, vt helleborus, scammonium, colocynthis, &c. sæpius verò cùm ventriculi tum aliorum viscerum *νεκρωτικὴ γίνα*, sæpissime eorundem calida, sicca intemperies.

AN mulieres cholera tentantur? at viri frequentius & potentiùs? An pueri senesue? at iuuenes & ætate consistentes sæpius multò & securiùs. An vere & hyeme? at autumnò & æstate viget potissimum cholera, plena quidem periculi à causis procatarteticis, sed periculiosior ab internis. An morbus acutissimus? at septimo quarto-ve die ægrum non rarò præcipitat. In tanto symptomate cõpescendo aliquidne audendum? vt periculum in mora, ita in ventriculo roborando, ne prauos amplius humores recipiat, & in calida sicca eius ac reliquorum viscerum intemperie corrigenda totius salutis spes collocatur. Ad ventriculi robur non parum conferent fofus ex rosis rubris, absinthio, mentha, vtrique hypochondrio adhibiti

fuccus de ribes & berberis cum per se, tum ex iusculo car-
nium, panis tostus vino irroratus præsentè & non præsen-
te febre. An alkermes confectionis vsus idoneus? ne qui-
dem de hyacintho. An lapidis bezaardici? verùm potiùs
conseruæ buglossi, borraginis cum granatorum succo.

CALIDÆ autem & siccæ intemperiei tollendæ
nonne frigida humida seu potestate, seu actû talia,
lege contrariorum imprimis conducent? quæ frigore
concresecunt, calore dissoluuntur, humor in orgasmo à
supernis ad inferas, à dextris ad sinistras, ab anterioribus
ad posteriores partes auertitur: dolenti partem capitis
posteriorem in fronte vena incisa prodest. Spontaneus
vomitus alui profluuium soluit, quod & lippienti con-
fert, vt biliôsæ deiectiones superueniente surditate ces-
sant, sic surditas superuenientibus biliôsîs deiectionibus
soluitur. Hîc quidem phlebotomia per epaphæresim ce-
lebrata miros in rem ægri producit effectus, partibus pau-
lùm à viuifico nectare distitis penèque iam emortuis na-
tium calorem restituit, bilis ferocientis maximam par-
tem euacuat, necnon motui naturæ, seu euictæ, seu im-
prudens, à corporis scilicet circumferentia ad centrum
humores cum spiritibus deducens fortiter sese opponit.

VERVM. omne tollit punctum frigidæ potus, quod
si medicatæ, vti Spadensis addideris, præterea ni-
hil. Humorne morbificus mitigandus? haustâ vix fri-
gidâ mitigatur. Bilisne quoquoversum ruentis ac fu-
rentis impetus reprimendi? omnium potentissimè re-
primit frigida. Vomitusne sedandus? sedatur continuò
frigidâ. Humorû & partium incendium confestim
extinguendum, extinguit momento frigida. Viscera

roboranda? maximum robur à frigida. Estne quis ab Orci faucibus cholera correptus eripiendus? non Orphei, non Herculis, sed frigida potus auxiliares manus imploranda.

Ergo Cholera morbo frigida potus.

Proponebat Lutetia GUILLELMVS DV PRE;
Normanus, A. R. S. H. M. DC. XXVI.

DOMINI DOCTORES DISPUTAVRI.

- | | | |
|-----------------------|----------------------|-------------------------------|
| M. Franciscus Mallet. | M. Iacobus Adam. | M. Gabr. Hard. de S. Jacques. |
| M. Iacobus Iouuin. | M. Claudius de Pois. | M. Michael de la Vigne. |
| M. Petrus Samare. | M. Petrus le Comte. | M. Iacobus Perreau. |

PARISIIS,

Prostant Exemplaria apud NICOLAVM BOISSET, Typographum
in Platea Malbertina, ad insigne D. Stephani, 1650.

*cette thèse est la 579^e de la tome IV
in folio des thèses de la faculté.*